




Correde auff den Psalter Doctor. Mart. Luth.

S haben viel heiliger Väter den Psalter sonderlich für andern Büchern der Schrift gelobet vnd geliebet vnd zwar lobet das werck seinen Meister selbs gnug / Doch müssen wir vnser lob vnd danck auch daran beweisen.

Aln hat in vergangenen jahren fast viel Legenden von den heiligen vnd Passional/Exempelbücher vnd historien/ vmbher gefurt/ vnd die welt damit erfüllet/ das der Psalter dieweil vnter der banck/ vnd in solchem finsternis lag / das man nicht wol einen Psalmen recht verstund / Vnd doch so trefflichen edlen geruch von sich gab/ das alle fromme hertzen / auch aus den vnbekanten Worten/ andacht vnd krafft entpfunden/ vnd das büchlein darumb lieb hatten.